

Լ. Ա. ՄԿՐՏՈՒՄՅԱՆ

ՄԻՄԵՈՆ ԵՎ ԵՐԵՄԻԱ ԿԱԹՈՂԻԿՈՍՆԵՐԻ
 «ՀԱԿԱԹՈՒՈՒԹՅԱՆ» ԽՆԴԻՐԸ 17-րդ դ. վերջին
 ԶԱՌՈՐԴԻՆ

XVII դ. երկրորդ կեսին Հասան-Ջալալյանների կաթողիկոսության ժառանգականության ավանդույթը խախտվեց: 1653 թ. Գանձասարի կաթողիկոս օծվեց Հասան-Ջալալյան տոհմին չպատկանող Պետրոս Խանձքեցին՝ Կաթողիկոսական Աթոռին բազմելու համար 1652 թ. դառնալով Հասան-Ջալալյան Գրիգոր Կաթողիկոսի որդեգիրը և ստեղծելով այդ տոհմի երևութական անընդհատություն¹: Որդեգրման այդ ակտով նա պարտավորվում էր իր մահից առաջ Գանձասարի կաթողիկոս օծել միայն Հասան-Ջալալյան տոհմի ներկայացուցչի: Վարդան Օձնեցին գրում է, որ նա կատարում է այդ պարտավորությունը և մահից առաջ, 1674 թ., կաթողիկոս օծում Երեմիա Հասան-Ջալալյանին, սակայն Գանձասարի Կաթողիկոսական Աթոռի նկատմամբ Հասան-Ջալալյանների ժառանգական իրավունքների վերականգնումն ընդդիմություն է առաջացնում ինչպես Գանձասարի վանքի միաբանների, այնպես էլ Կաթողիկոսության բարձր հոգևորականության շրջանում, որոնք բացահայտ կերպով հանդես են գալիս Հասան-Ջալալյան Երեմիայի թեկնածության դեմ:

Վարդան Օձնեցին իր Պատմության մեջ գրում է, թե Գանձակի և Բարդայի առաջնորդները, չճանաչելով Երեմիայի կաթողիկոսական իրավունքները, նույնիսկ «կանեցին առանձին ումիլ գթեմս իւրեանց անկախ ի կաթողիկոսացն յԱղուանից եւ Էջմիածնայ»²: Երեմիա Կաթողիկոսը, այս ընդդիմությանը վերջ տալու նպատակով, կաթողիկոս դառնալուց մեկ տարի անց կաշառքով Գանձակի և Բարդայի խաներից հրովարտակներ է ձեռք բերում, որոնցով խաները նրան կաթողիկոս են ճանաչում՝ հրամայելով իրենց իշխանության տակ գտնվող հայերին հնազանդվել նրան³:

Վարդան Օձնեցին գրում է. «Յետ չորս ամաց կաթողիկոսութեան տէր Երեմիայի հաճեալ զկամս Բեկլար բէկին Բարդայու, Սիմէօն եպիսկոպոս՝ առաջնորդ Բարդաբասանու* եւ Ջրաբերդու ի թուին հայոց ՌժիԳ (1674) օծաւ հակառակ Աթոռ կաթողիկոս Աղուանից»⁴: Այստեղ «յետ չորս ամաց»-ը վրիպակ է, պետք է

¹ Վարդան Օձնեցի, Պատմութիւն Հայոց: Մատենադարան, ձեռ. № 4331, թ. 10ա-10բ:

² Նույն տեղում, թ. 11բ:

³ Նույն տեղում:

* Բարդաբասանը գավառակ է Արցախում, տարածվում է Ջրաբերդի գավառից արևելք (Հայաստանի և հարակից շրջանների տեղանունների բառարան: Երևան, 1986, էջ 620):

⁴ Վարդան Օձնեցի, Պատմութիւն Հայոց: Մատենադարան, ձեռ. № 4331, թ. 12:

Երեմիան շահին է ներկայացնում Աղվանքի հայ իշխանների՝ իր անունով մուշալա-համախոսականը, սակայն նրա այն պնդումը, թե Պետրոսն իր կենդանության օրոք Գանձասարի Կաթողիկոսական Աթոռը հանձնել է իրեն, բանավոր է: Մեր կարծիքով, եթե Երեմիան ունենար իր անունով Պետրոս Կաթողիկոսի գրավոր կտակը, ապա այն կներկայացներ Սուլեյման շահին, միգչդեռ հրովարտական հստակ մշակած է, որ Երեմիան հայտնել է, թե Պետրոս խանձքեցին կաթողիկոսությունը հանձնել է իրեն և ներկայացրել միայն Աղվանքի հայ իշխանների գրավոր համախոսականը:

Հրովարտակը գրվել է 1675 թ. ապրիլ-մայիս ամիսներին, սակայն շահը Երեմիայի կաթողիկոսությունը հաստատում է «նապաստակի տարվա սկզբից», այսինքն՝ հետին թվով, մույն 1675 թ. փետրվարի երկրորդ կեսին:

XVIII դ. երկրորդ կեսին կազմված Աղվանից կաթողիկոսների գավազանագրքում Պետրոս խանձքեցուց հետո հիշատակվում են ոչ միայն Սիմեոնն ու Երեմիան, այլև ոմն Մելիքսեթ Արեշեցի, որին գավազանագիրք կազմողը կեղծ կաթողիկոս է անվանում՝ հաղորդելով, որ նրա աթոռակալության թվերը իրեն հայտնի չեն⁹: Այս Մելիքսեթից հետո հերթականորեն մշակված է Սիմեոնի անունը, որին կազմողը անվանում է «շնորհալի Հայրապետ Մեծ Կունեցի»*: Երեմիայի անունը տեղադրված է Սիմեոնի անունից հետո: Երեմիայի վերաբերյալ, որին գավազանագիրք կազմողը Երեմիա Մալեցի է անվանում և նրա կաթողիկոսության սկիզբ է մշտն 1676 թ., գրված է. «Հակառակելով, անձամբ առեալ կաթողիկոսութիւն ի միասին վարին չարչարանօք, որ խոտեալ աղճատեալ ոմն Եղիայ անուն եպիսկոպոս անուան կաթողիկոս եւ նա ձեռնադրէ Տէր Երեմիային անուանին կաթողիկոս»¹⁰:

Այս գավազանագրքի համաձայն, Երեմիային անվանական-անօրինական կաթողիկոս է օծել ոմն Եղիա եպիսկոպոս, որը մույնպես անօրինական կերպով իրեն կաթողիկոս էր հորջորջում**, սրանից հետո Երեմիան, դեմ գնալով եկեղեցական կանոնադրությանը, Սիմեոնի հետ «չարչարանօք» է աթոռակալել: Ինչպես տեսնում ենք, այս աղբյուրը Երեմիա Հասան-Ջալալյանին է հակաթոռ համարում:

Չնայած Սիմեոն Երևանցին ևս Սիմեոնին անվանում է ինքնընծա և առանց Ամենայն Հայոց Կաթողիկոս Հակոբ Ջուղայեցու հաստատման Գանձասարում աթոռակալած, սակայն միաժամանակ հետաքրքիր տեղեկություն է տալիս: Հստ Սիմեոն Երևանցու, Սիմեոնը իրեն Գանձասարի կաթողիկոս հռչակելուց հետո լքում է կաթողիկոսանիստ Գանձասարի վանքը և, վերցնելով վանքի ամբողջ գույքը, տեղափոխվում իր հայրենի գյուղ՝ վայելելով մահմեդական մուքաթարի հովանավորությունը¹¹ (Մակար Բարխուդարյանը մշտն է Ջրաբերդի գավառի Թրդի գետի

⁹ Կթղկ. դիվան, թղթ. 240, վավ. 132:

* Մեծ Կունեցը (Մեծկվեմք, Մեծկուանք) տեղադրվում է Թարթառ գետի վերին ավազանում, Մոսկվեում լաճերից հարավ-արևելք: Մեծ Կունեցի եպիսկոպոսական կենտրոնը խաթալանքն էր:

¹⁰ Կթղկ. դիվան, թղթ. 240, վավ. 132:

** Պետք է ենթադրել, որ Երեմիայի «օծումը» տեղի է ունեցել ոչ թե 1675-ին, այլ 1655 թվականից ոչ ուշ, երբ Երեմիան վիճարկում էր Գանձասարի կաթողիկոսությունը Պետրոս խանձքեցուց:

¹¹ Սիմեոն Երևանցի. Ջամբո: Վաղարշապատ, 1873, էջ 80:

ձորում գտնվող խոտորաշենը¹²): Այդ պատճառով Հակոբ Ջուղայեցին բանադրում է Սիմեոնին և, Աղվանքից Էջմիածին կանչելով ոմն Երեմիա արեղայի, նրան միաժամանակ ձեռնադրում եպիսկոպոս, ապա օծում Գանձասարի կաթողիկոս¹³: Սիմեոն Երևանցին Երեմիային արեղա է անվանում և գրում, որ Հակոբ Ջուղայեցին միայն եպիսկոպոս ձեռնադրելուց հետո է կաթողիկոս օծել: Այսինքն պետք է նրան եպիսկոպոս ձեռնադրելուց հետո է կաթողիկոս օծել: Երեմիայի կաթողիկոս ենթադրել, որ Էջմիածինը չէր ճանաչում Եղիայի ձեռքով Երեմիայի կաթողիկոս օծվելը, հակառակ դեպքում մա միայն հաստատման կոնդակ և կամ Պետրոս խանձրեցու մեծ կաթողիկոսական գավազան կստանար:

Սիմեոն Երևանցին չի տալիս Հակոբ Ջուղայեցու կողմից Երեմիա Հասան-Ջալալյանին Գանձասարի կաթողիկոս օծելու թվականը, այլ միայն նշում է, որ այն տեղի է ունեցել Սիմեոնի՝ կաթողիկոս օծվելուց և ապա աթոռանիստ Գանձասարի վանքը լքելուց ու հայրենի գյուղ՝ տեղափոխվելուց հետո՝:

Շուշիի Ագուլեցոց եկեղեցում պահված Ավետարանի հիշատակարանը հաղորդում է. «Արդ, զրեցա վարդափոխ» եւ ոսկեգօծ սուրբ եւ աստուածաշունչ Աւետարանս... ի թուականին Հայոց ՌԸՄԹ, ամսեան սեպտեմբերի, որոյ էին աւուրք Ժ (1680 թ. սեպտեմբերի 10), ի թագաւորութեան պարսից Շահ-Սուլէմանին եւ ի հալրապետութեան տանս Աղուանից Տեառն Երեմիայի սրբազան եւ նորընծայ կաթողիկոսի»¹⁴:

Հիշատակարանի հեղինակը 1680 թ. սեպտեմբերին Երեմիային նորընծա կաթողիկոս է անվանում, երբ հայտնի է, որ դեռևս 1675 թվականին էր Երեմիան շահից կաթողիկոս հաստատվելու հրովարտակատարացել:

Այս հիշատակարանի հաղորդումը կապելով վերը մեջբերված Սիմեոն Երևանցու տեղեկության հետ՝ կարող ենք եզրակացնել, որ Հակոբ Ջուղայեցու կողմից Երեմիային Գանձասարի կաթողիկոս օծելը տեղի է ունեցել 1680 թ. մոտ ընկած ժամանակահատվածում: Հակոբ Ջուղայեցին 1677 թ. Էջմիածնի խորհրդածողովի որոշումներ իրականացնելու նպատակով արտասահման զնալու համար Վրաստան է եկել մոլոմ 1677 թ.¹⁵: Աշոտ Հովհաննիսյանը գտնում է, որ 1677 թ. Վրաստանում Հակոբ Ջուղայեցին հանդիպել է Գանձասարի հակառակորդ կաթողիկոսների՝ Սիմեոնին և Երեմիային, և հաշտեցրել նրանց¹⁶:

Այս ամենը միմյանց կապելով՝ թերևս կարելի է եզրակացնել, որ Երեմիան կաթողիկոս է օծվել կա՛մ Վրաստանում այս հանդիպման ժամանակ, կա՛մ քիչ ավելի վաղ:

Փորձենք ի մի բերել միմյանց միաժամանակ և՛ հակասող, և՛ լրացնող աղբյուրների այս հաղորդումները:

¹² Մակար Բարխուդարյանց, Պատմութիւն Աղուանից, հ. Բ: Թիֆլիս, 1907, էջ 68:

¹³ Նույն տեղում:

* Սիմեոն Երևանցին գրում է, որ Սիմեոն խոտորաշենցին բանադրվել է Հակոբ Ջուղայեցու կողմից ոչ թե «ինքնընձա» կերպով Գանձասարի կաթողիկոսական Աթոռը զրադեցնելուց անմիջապես հետո, այլ այդ Աթոռը Գանձասարի վանքից տեղափոխելու համար: Սա կասկածի տեղիք է տալիս: Չէ՞ որ մոլոմ Հակոբ Ջուղայեցին քիչ անց, 1677 թվականին, փորձում էր հաշտեցնել Սիմեոնին և Երեմիային: Հավանաբար մեծա թանադրանք չի եղել:

¹⁴ Կթկ, դիվան, թղթ. 260, վավ. 130, էջ 2ա:

¹⁵ Աշ. Հովհաննիսյան, նշվ. աշխ: էջ 208-209:

¹⁶ Նույն տեղում:

Պետրոս խանձքեցին մահից առաջ Գանձասարի կաթողիկոսությունը սեփական կտակի համաձայն հանձնում է իր աշակերտ, Գանձասարի վանքի աթոռակալ, Գանձակի թեմի և Արամից Մոսկի լեռներով բաժանված Մեծ Կունեքի կամ Բարդաբասանի եպիսկոպոս Սիմեոն խոտորաշենցուն: Վերջինս Պետրոս խանձքեցու մահից հետո, 1675 թ., մեկնում է Պարսկաստան և Սուլեյման շահի ու այդ ժամանակ Պարսկաստանում գտնվող Ամենայն Հայոց Հակոբ Զուղայեցի Կաթողիկոսի կողմից հաստատվում Գանձասարի կաթողիկոս: Երեմիա Հասան-Ջալալյանը, որը դեռ Պետրոս խանձքեցուց էր փորձել խլել Կաթողիկոսական Աթոռը, հեռվելով իր հորեղբայր Գրիգոր Կաթողիկոսի և Պետրոս խանձքեցու՝ 1652 թ. համաձայնագրի, ինչպես նաև իր տոհմական Հասան-Ջալալյանների ու Աղվանքի մի շարք աշխարհիկ և հոգևոր տերերի օժանդակության վրա, կաշառքով Բարդաբի հաքիմ Աբասդուլի խանից¹⁷ և Ղարաբաղի բեկլարբեկ, Գանձակի խան Զիադ Օղլի Ուղուրլուից Հիջրայի 1087 թ. մուհարամ ամսին (1675 թ. մարտի 16 - ապրիլի 15)¹⁸ ստանում է հրովարտականը, որոնցով այդ խաները Գանձասարի կաթողիկոս էին ճանաչում Երեմիային և հրամայում իրենց ենթակա հայերին՝ հնազանդվել նրան:

Երեմիան տեղական իշխողներից իր կաթողիկոսական իշխանությունը հաստատող հրովարտականը ստանալուց հետո, գուցե նույն հմարքը բանեցնելով, 1675 թ. մայիսին իր կաթողիկոսությունը հաստատող հրովարտակ է ստանում նաև Սուլեյման շահից:

Երեմիայի և նրա կողմնակիցների հարաճումն ճնշման տակ Սիմեոն խոտորաշենցին թողնում է իր աթոռաձիստ Գանձասարի վանքը և, ստանալով իր ծննդավայր խոտորաշեն գյուղի մուսուլման մուքթադարի աջակցությունը, տեղափոխվում այնտեղ:

Հակոբ Զուղայեցի Կաթողիկոսը, որն աջակցության խիստ կարիք ուներ և այդ պատճառով չէր կարող հաշվի չառնել հզոր և հայ իրականության մեջ մեծ համարում ունեցող խաչենի Հասան-Ջալալյան մելիքական տան և նրանց կողմնակիցների ձգտումները, հավանաբար 1677 թ. կաթողիկոս է օծում Երեմիա Հասան-Ջալալյանին:

Գանձասարի կաթողիկոսության թեմերը երկփեղկվեցին՝ բաժանվելով երկու հակամարտ հայրապետների միջև: Սիմեոն խոտորաշենցուն կաթողիկոս էին ճանաչում Գանձակի, Ծաքիի և Ծամախու թեմերը, Երեմիային՝ Ղարաբաղի թեմերը¹⁹:

Վերը նշեցինք, որ Հակոբ Զուղայեցին 1677 թ. Վրաստանում հանդիպել է Գանձասարի հակառակորդ հայրապետներին և հաշտեցրել նրանց: Այդ հանդիպման արդյունքում Սիմեոն խոտորաշենցին 1677 թ. օգոստոսի 25-ին թվագրված պարտավորագիր է տալիս առ այն, որ իր մահից հետո իր ժառանգները գրկվելու են կաթողիկոս դառնալու իրավունքից: Կաթողիկոսության ժառանգականությունը վերապահվում է Հասան-Ջալալյաններին: Սիմեոնը հայտնում է նաև, որ ինքը թուրք է տվել Հակոբ Զուղայեցուն, ըստ որի պարտավորվել է ենթարկվել ու հնազանդվել նրան²⁰:

¹⁷ Կթղկ. դիվան, թղթ. 2ա, վավ. 83:

¹⁸ Կույմ տեղում, վավ. 47:

¹⁹ Ձեռագիր № 4331, էջ 12ա:

²⁰ Կթղկ. դիվան, թղթ. 240, վավ. 1:

դրդումն եղև համայն արևելեանս, որ եւ ահարկու եղեն ազգն մահմեդականի»²⁸։ Եղիազար Այնթապցին, օգտագործելով Վարանդայի, Դիզակի և Խաչենի մելիքների՝ իրեն ուղղված դիմումը, որտեղ հայտնվում էր, թե միայն Երեմիա Հասան-Ջալալյանին են ճանաչում Գանձասարի կաթողիկոս և պահանջում են բանադրել Սիմեոնին²⁹, Էջմիածնին է ենթարկվում Պետրոս Խանձբեցու ժամանակ Գանձասարի կաթողիկոսությանն անցած Ծաքիի ու Օամախու թեմերը։ Եղիազարի հրամանով Էջմիածին եկած Սիմեոն Խոտորաշենցին պարտավորվում է «առանց վարելոյ գիշխանութիւն կաթողիկոսութեանն մատի հանդարտ ի վաճառի»³⁰։

Այս պարտավորությունը, սակայն, Սիմեոնը չի կատարում, քանի որ 1690 թ. մարտի 15-ին Ամենայն Հայոց Կաթողիկոս Եղիազար Այնթապցին Ծաքիի ու Օիրվանի հայերին ուղղված կոնդակում գրում է, որ Սիմեոնը, երդմագրանք լինելով, մեռն է օրհնել, եպիսկոպոս ձեռնադրել և ստացել Ծաքիի ու Օիրվանի թեմերի ութ թուման գումար կազմող եկեղեցական արդյունքները, որոնք Եղիազարը պահանջում է հանձնել Էջմիածնին։ Անդրադառնալով Գանձասարի կաթողիկոսությունում տիրող երկպառակությանը՝ Եղիազար Կաթողիկոսը մույն կոնդակում գրում էր. «Երեմիայն և Սիմեոնն եթէ միաբան մնան ի Գանձասար, բարի՛ է, եթէ ո՛չ, և ո՛չ միմն չէ կաթողիկոս»³¹։ Ինչպես տեսնում ենք, ինքը՝ Եղիազար Այնթապցին, շարունակելով Էջմիածնին համարել Ծաքիի և Օամախու թեմերը, ուժը կորցրած էր համարում կաթողիկոսությունից հրաժարվելու Սիմեոնի պարտավորագիրը։ Եղիազար Այնթապցու համար պարզ պետք է լիներ, որ Սիմեոնն ու Երեմիան չեն կարող միատեղ մտնել Գանձասարի վանքում և համատեղ կաթողիկոսել։ Եղիազարը մնալ պահանջ առաջ քաշելով ոչ թե փորձում էր վերջ տալ երկպառակտությանը, այլ ջանում էր այդ երկպառակտչական պայքարից թուլացած Գանձասարի կաթողիկոսությունը ենթարկել Էջմիածնին և այդ կաթողիկոսության Անդրկուրյան հարուստ թեմերը վերջնականապես ամրացնել Էջմիածնին։

Ծաքիի ու Օամախու թեմերին ուղղված այս կոնդակին հետևում է Եղիազար Այնթապցու՝ Գանձասարի կաթողիկոսության բոլոր թեմերին ուղղված կոնդակը, որով արգելվում էր եկեղեցական արդյունքները Սիմեոն Խոտորաշենցու նվիրակներին հանձնել³²։

Դրա հետևանքով՝ Սիմեոն Խոտորաշենցուն ենթարկվող մի քանի թեմերի առաջնորդներ երես են թեքում Արամից և Արա հակառակորդների հետ 1691 թ. փետրվարի 10-ին կազմում համախոսական, որտեղ հայտարարում են, որ Գանձասարի կաթողիկոս են ճանաչում միայն Երեմիային և պարտավորվում են եկեղեցական հասույթներն ամբողջովին հանձնել Արամ, իսկ Սիմեոնին, որն իր հավաքած գումարները «իւր հօր տանն է մսխում և այլ տեղ կորուսանում... դուրս անիմք մեր մէջէն, ուր կամի գնալ»³³։

²⁸ Ձեռագիր № 1512, էջ 594բ։

²⁹ Ձեռագիր № 4331, էջ 13ա։

³⁰ Նույն տեղում։

³¹ Նույն տեղում, էջ 13ա-13բ։

³² Ձեռագիր № 4331, էջ 13բ։

³³ Կողմ. դիվան, թղթ. 240, վավ. 2։

Համախոսականը կնքել էին Քոչիգի մելիք Փիրումը, Ջրաբերդի մելիք Հախի-
ջանը, Ծամբորի մելիք Միրզախանը, հինգ եպիսկոպոսներ, այդ թվում՝ Փառիտսի
եպիսկոպոս և Ծամբորի առաջնորդ Բարսեղը, Մեծ Արամից Սուրբ Հակոբի վանքի
առաջնորդ Գրիգոր եպիսկոպոսը և Ծարի առաջնորդ Բարսեղ եպիսկոպոսը, որոնք
մինչ այդ ենթարկվում էին Սիմեոն Կաթողիկոսին: Վերջինս ստիպված էր թողնել
Ջրաբերդի գավառում գտնվող իր նորակառույց երից Մանկանց վանքը և ապաս-
տանել Ամարասի վանքում՝ ստանալով Վարանդայի մելիքի* աջակցությունը³⁴:

Սիմեոն խոտորաշենցին, տեսնելով, որ Էշմիածինը հակված է իր հակառակորդ
երեմիա Հասան-Ջալալյանի կողմը, փորձում է ստանալ Վատիկանի օժանդակու-
թյունը՝ կանգ չառնելով նույնիսկ դավաճափոխության առջև: Տաշյանի կազմած
ձեռագրերի ցուցակում³⁵ առկա է եկեղեցական գրքերի տպագրության համար Հա-
կոբ Ջուղայեցու կողմից Եվրոպա ուղարկված և 1664 թ. կաթողիկոսություն ընդունած
Ոսկան վարդապետ Երեանցու վկայությունը, համաձայն որի, 1688 թ. Աղվանից
Ագարիա Կաթողիկոսը** մի քանի եպիսկոպոսների համակամությամբ դավաճա-
գիր է ուղարկել Իննոկենտիոս ԺԱ Պապին (1676-1689):

Կաթողիկոսություն ընդունելու առաջարկ Վատիկանից արվում է նաև Երեմիային,
որն Աղվանից Աբաս Կաթողիկոս է անվանվում, սակայն վերջինս մերժում է՝ պա-
տախտանելով, թե «Յառաջագույնքն իմ՝ Պետրոս եւ Գրիգոր կաթողիկոսունք ոչ
ընկալան գայդոսիկ, եւ եւ ոչ ընդունին»³⁶: 1695 թ. Սիմեոն խոտորաշենցին կրկին
դիմում է Վատիկանին՝ այժմ Իննոկենտիոս ԺԲ Պապին (1691-1700)՝ խնդրելով միջ-
նորդել իր օգտին Սուլթան-Հուսեյն շահի առաջ և պաշտպանել իր իրավունքները
Երեմիա Հասան-Ջալալյանի դեմ: Պապը բավարարում է այդ խնդրանքը³⁷: Ծամա-
խում հաստատված ճիզվիտական օրդենի ներկայացուցիչներից մեկը 1702 թ. ան-
գամ գրում էր, որ Սիմեոն Կաթողիկոսը կաթողիկ է, սակայն գաղտնի է պահում այդ
փաստը³⁸:

Երեմիա Հասան-Ջալալյանը վախճանվում է 1700 թ., երկու տարի անց՝ 1702 թ.
վերջին, իր մահկանացուն է կնքում նաև Սիմեոն խոտորաշենցին³⁹: Մինչ այդ,
սակայն, երկու Կաթողիկոսներն իրենց հաջորդներ են օծում. Երեմիա Հասան-
Ջալալյանը՝ Եսայուն, որն իր եղբայր Վելիջանի որդին էր⁴⁰, Սիմեոն խոտորա-
շենցին էլ՝ իր ազգական Ներսեսին:

* Վարանդայի մելիքը XVII դ. 90-ական թվականներին Մելիք Ծաֆնազար Ա-ի որդի Մելիք Բաղին
էր (Մակար Բարխուդարեանց, Գշվ. աշխ., էջ 24):

³⁴ Ձեռագիր № 4331, էջ 13բ:

³⁵ Ցակոբոս վարդապետ Տաշեան, Ցուցակ հայերեն ձեռագրաց: Վիեննա, 1895, էջ 113:

** Ագարիան Բաբելոնում կրակն հնոցը նետված երեք մանուկներից մեկն է (Դանիել Ա. 7) և
աստվածաշնչյան այս կերպարի անունով է Ոսկան Երեանցին կոչում երից Մանկանց վանքում նստող
Սիմեոն Կաթողիկոսին:

³⁶ Ցակոբոս վարդապետ Տաշեան, Ցուցակ հայերեն ձեռագրաց, Վիեննա, 1895, էջ 113:

³⁷ Ալիշան, Կամենից, Վենետիկ, 1896, էջ 145:


³⁸ Письма и донесения послантов о России, конна XVII и начала XVIII века, СПб., 1904, с. 294.

³⁹ Աշ. Հովհաննիսյան, Գշվ. աշխ., էջ 293:

⁴⁰ Հր. Անադյան, Հայոց անձնանունների քառաբան, հ. Բ, Ե., 1944, էջ 144:

Աշոտ Հովհաննիսյանը գտնում է, որ այդ օծումը տեղի է ունեցել Սիմեոն Խոտորաշենցու կաթողիկոսության վերջին տարում՝ 1702 թ.⁴¹: Սիմեոն Երևանցին Ներսեսի օծման տարի է համարում 1706 թ.⁴² մշելով նույն տարեթիվը որպես Եսայու հայրապետության հիմնգերորդ տարի. «Ի հիգերորդ ամ կաթողիկոսության Եսայեայ, Ներսես անուն ոմն սեղովս յազգէ վերոյիշեալ բանադրեցեալ Սիմեոն Կաթողիկոսին, ի լԱղուանս կաշառօք եւ խաբէութեամբ օծանի կաթողիկոս՝ խոչ եւ աստան Եսայեայ ի ՌԺՄԵ թուոջ մերում»⁴³: Ըստ այս մեքբերման, Եսային կաթողիկոս է դարձել 1701 թ., սակայն իր աշխատության մախորդ էջում գրում է, որ Սիմեոն Երևանցին «մստի լԱղուանս ի ՌԺՄԱ թուոջն»⁴³: Այստեղից պետք է եզրակացնել, որ Սիմեոն Երևանցին առաջին դեպքում Եսայու հայրապետության սկիզբ է համարել Երեմիա Կաթողիկոսի մահվան հաջորդ տարին, իսկ երկրորդ դեպքում՝ Եսային օծվել է Սիմեոն Խոտորաշենցու վախճանվելուց հետո: Վարդան Օձնեցին Եսայու աթոռակից կաթողիկոս օծվելու տարեթիվ է համարում 1695 թ.: Եթե այս թվականը համարենք Եսայու կաթողիկոսության առաջին տարին, ապա Եսայիի կաթողիկոսության հիմնգերորդ տարի և Ներսեսի օծման տարեթիվ է դառնում 1700 թ., որը, ըստ տվյալների համադրման, Ներսեսի կաթողիկոս օծվելու ամենահավանական թվականն է:

Առաջինը Երեմիան է 1695 թ. «հրամանաւ Նահապետ Կաթողիկոսին» աթոռակից օծում Եսայուն⁴⁴, որը դեռ Երեմիայի կենդանության օրոք Հիշրայի 1111 թ. ռամազան ամսին (1700 թ. փետրվարի 20 - մարտի 22) դիմում է Սուլթան-Հուսեյն շահին՝ բողոքելով, որ Ղարաբաղի, Գանձակի, Ջարաբլի (ձերկայիս Բելաջարի շրջան) և Ծիրվանի մուսուլման ֆեոդալները կրոնական ճնշման և հալածանքի են ենթարկում այդ գավառների հայկական համայնքներին: Սուլթան-Հուսեյնը, համաձայն Սուլեյման շահի կողմից Պետրոս Խանընցուն տրված հրովարտակի, հրամայում է Ղարաբաղի բեկլարբեկին (Ղարաբաղի բեկլարբեկն էր Բայրալի խանը. 1694-1705), օժանդակել Եսայի Կաթողիկոսին և վերջ դնել կրոնական հալածանքներին⁴⁵: Այս հրովարտակի հետ միաժամանակ շահը հրամայում է Ղարաբաղի բեկլարբեկին պատժել ոմն Սեֆի-Ղուլի բեկի թոռ Իսմայիլին, որը շարունակաբար անհամաձայնություն է պատճառում Եսայի Կաթողիկոսին, խառնվում եկեղեցական կառավարման խնդիրներին, վանքապատկան գյուղերից հարկ պահանջում⁴⁶:



⁴¹ Աշ. Հովհաննիսյան, մշվ. աշխ., էջ 293:

⁴² Սիմեոն Երևանցի, Ջամբո, Վաղարշապատ 1873, էջ 81-82:

⁴³ Նույն տեղում: էջ 81:

⁴⁴ Ձեռագիր № 4331, էջ 14ա:

⁴⁵ Կթղկ. դիվան, թղթ. 2ր. վավ. 131:

⁴⁶ Ձեռագիր № 4331, Կթղկ. դիվան, էջ 14ա, թղթ. № 2ր. վավ. 134: